

As "neucha Kraut" .

Mer hot'n Ack'r o'geroemmt un's Kraut na hoem gebracht,
Im Houf da steahn die Stuecht parad ..da wirts drin ei'gemocht !
Wos ner zwae Hend hat, muess faeist schaff', es ganze Haus hoelft mit,
A jed'r isst garn Sourkraut- druem straeubt a keens si nit !
D'r Baur hot sogor sein Bue -een kleena Boerzl blous-
Mit blanke Fuess ins Stuecht nei g'schtellt un schiabt'm nuff sei Hous':
"Faeist ummananner g'hopft un g'schtampft - an Hampfl Solz drbei -
Dass's racht vial Soft geit, na woerds guat"..sou hoert mer'n gauz un schrei
As Bueawla folgt un hopft din ruem, es tuat si waedli plog,
Die Weiw'r houbla uem die Wett'...as Buewla kuennt kamst nach
Amol da rueafts..winkt mit d'r Hend'... dou keener guckt hal har ,
Un weit'r geiht die Stampferei...bis dass die Fuhr woar laar !
Wie na im Wint'r g'schlacht wor'n is - hoem alli si lustiert
Mit Sourkraut un Flaesch un Wurscht ... d'r Bauer hat traktiert !
Ner unner Buewla hockt am Tisch un nimmt kee Kraut si raus,
Un hot's do allweil sou garn g'hot- mer kennt si gor net aus;
"Woruem wisst du kee Kraut nit ass" ? - sei Vat'r schliessli fraeigt -
Da kuennt as Buewla nimm'r aus, knoert ruem, wuerd rout un saeigt:
"Wie mer im Harwest hoem des Kraut nei Stuechtli ei'gemocht
Un i ho's mit'r Fuess' neig'stampft... da ho i wos vollbrocht.....
I haett' gor dringli "austrat" nueass-ho g'schrie'n un fachariert,
Dou keener hat mi g'hoert un g'sahn...un's hat so erg pressiert !
Uff ewol war d'r Drang zo stark- aus warsch mit "Kraeft un Maecht"...
Sou ho i hal- I will's eig'steah- in's neucha Kraut neig'saecht" †